

OPĆINSKI SUD U GRAČANICI

Analiza pokazatelja iz statističkog izvještaja o poštivanju optimalnih i predvidivih rokova:

Sa 30.06.2026. godine u radu je bilo ukupno 3347 predmeta. Od tog broja 1728 predmeta je bilo neriješeno sa 01.01.2026. godine, dok je u periodu od 01.01.-30.06.2026. godine u rad primljeno 1619 predmeta.

U izvještajnom periodu od 01.01.-30.06.2025. godine je riješeno 1538 predmeta, od čega je u predvidivom roku riješeno 1059 predmeta, dok je 479 predmeta riješeno sa prekoračenjem predvidivog roka. Na kraju izvještajnog perioda ostalo je neriješeno 1809 predmeta. Od toga je u 384 predmeta već prekoračen rok, a najveći broj predmeta je:

- 159 predmeta izvršnog postupka,
- 32 predmeta parničnog postupka (od čega je 1 Mal predmet),
- 28 predmeta redovni krivični postupak, od čega je 12 predmeta prvostepeni krivični postupak (K), 14 predmeta prvostepeni krivični postupak (Kps) i 2 predmeta posebnog postupka za izdavanje kaznenog naloga,
- 20 predmeta vanparničnog postupka od čega je najveći broj predmeta postupka uređenja imovinskih odnosa (19 predmeta) i uređenje drugih vanparničnih stvari (1 predmet)
- 145 predmeta prekršajnog postupka.

Uzroci koji su doveli do prekoračenja predvidivog roka mogu se svesti na sljedeće:

Prije svega, neophodno je istaći činjenicu da se u navedenom periodu na rad suda utjecali razlozi koji se odnose na raseljenost stanovništva zbog adresa u BiH na kojima se stranke ne nalaze. Takođe taj razlog je prouzrokovao odgađanje ročišta zbog nemogućnosti dolaska stranaka i drugih učesnika u postupku jer su zaposleni u inostranstvu i poslodavci im ne omogućavaju dolazak radi postupaka koji se vode u BiH-i. Pored navedenog, uzroci koji još dovode do prekoračenja su:

- u predmetima izvršnog postupka najčešći uzroci su više izvršenika u predmetima gdje zbog nedovoljnih i netačnih adresa dolazi do prekoračenja predvidivog roka, rješavanje po prigovorima izvršenika, popis procjena i prodaja pokretnih stvari izvršenika gdje sudski izvršilac fizički nije u mogućnosti da izvrši popis u svim predmetima, u pojedinim predmetima od strane tražilaca izvršenja traži se i ponovni popis stvari, zatim zahtjevi tražilaca izvršenja za odlaganje izvršenja na određeni vremenski period (6 mjeseci ili godinu dana) iz razloga što je izvršenik počeo sa plaćanjem duga, odsustva stranaka sa područja BiH-e.
- u predmetima parničnog postupka uzrok prekoračenja javlja se zbog adresa tuženih, tačnije produženja roka kod vraćanja tužbe na ispravku u pogledu adrese tuženih.
- u predmetima krivičnog i prekršajnog postupka do prekoračenja predvidivog roka najčešće dolazi iz razloga što osumnjičeni/okrivljeni i optuženi ili svjedoci nisu dostupni sudu.

Cijeni se da nije u znatnoj mjeri bilo uticaja nosilaca pravosudnih funkcija u eventualnim propustima koji bi bili od uticaja na prekoračenje predvidivih rokova. Razlozi su česta odgađanja i odlaganja ročišta (na zahtjev stranaka ili zbog potrebe vještačenja) kako je to naprijed navedeno.

Analiza raspoloživih resursa u sudu:

U Općinskom sudu u Gračanici sa 30.06.2026. godine je zaposleno 35 zaposlenika, od čega je 5 sudija (1 predsjednik suda i 4 redovne sudije), 2 stručna saradnika, 5 državnih službenika i 23 namještenika uz napomenu da je jedan namještenik primljen na određeno vrijeme do povratka namještenika sa porodiljnog odsustva. Također je bilo i odsustva namještenika po osnovu porodiljskog odsustva i bolovanja, potrebno je istaći činjenicu da je radno mjesto viši samostalni referent za informacionu i komunikacionu tehnologiju – IKT bilo upražnjeno od mjeseca augusta 2025. godine do mjeseca maja 2026. godine što je usporavalo rad suda jer su šef odsjeka za sudsku upravu i šef pisarnice pored redovnih poslova svog radnog mjesta radili i poslove IKT referenta.

Što se tiče materijalno tehničkih resursa smatramo da materijalna situacija u poslovanju ovog suda nije na zavidnom nivou, a vjerujemo da je takvo stanje u većini sudova u BiH, međutim i pored svega može se ocijeniti ipak kao zadovoljavajuća, jer je sud obezbijeđen sa osnovnim materijalno tehničkim sredstvima za nesmetan rad.

Analiza „perioda neaktivnosti“ u predmetima:

Što se tiče perioda neaktivnosti u predmetima redovno se vrši analiza postupanja po predmetima kroz izvještaje i sudijama i stručnim saradnicima se skreće pažnja na poštivanje predvidivih rokova za postupanje u predmetima. Analizirajući listu neriješenih predmeta po referatima i uvidom u predmete možemo istaknuti sljedeće:

- U predmetima izvršnog postupka razlozi koji dovode do perioda neaktivnosti u predmetima je neuredno dostavljanje pošte od strane poštanskih dostavljača i činjenica da u određenom broju predmeta postoji više izvršenika pa je zbog nedovoljnih i netačnih adresa izvršenika kao i prigovora izvršenika nemoguće predmet riješiti u predvidivom roku. Isto tako u određenom broju predmeta izvršenje se traži popisom, procjenom i prodajom pokretnih stvari izvršenika a zbog poteškoća koje se javljaju prilikom izlaska sudskog izvršitelja na teren (izvršenik nije zatečen na adresi, nedozvoljavanje izvršenja popisa i procjene) sudija nije u mogućnosti da postupa u predmetu duži vremenski period. Česte su i situacije da tražilac izvršenja podnosi zahtjev za odlaganje izvršenja na određeni vremenski period (6 mjeseci ili godinu dana) iz razloga što je izvršenik započeo s plaćanjem duga, pa se iz tog razloga traži odlaganje izvršenja.
- U predmetima parničnog postupka do perioda neaktivnosti u predmetima dolazi najčešće iz razloga neuredno dostavljanje pošte od strane poštanskih dostavljača i što adrese tuženih nisu tačne, tužbe se u pogledu toga vraćaju na ispravku i traži se produženje roka.
- U predmetima krivičnog kao i prekršajnog postupka do perioda neaktivnosti u predmetima dolazi najviše zbog činjenice da osumnjičeni/okrivljeni, optuženi i svjedoci nisu dostupni sudu.

Prijedlog mjera kako bi se utvrđeni predvidivi rokovi skraćivali i približavali optimalnim rokovima:

- Poboljšanje zakonske regulative u svrhu učinkovitijeg sudskog postupka, praćenje i analiza primjene postojećih zakonskih odredbi u praksi i doradivanja istih u svrhu poboljšanja zakonske regulative, naročito poboljšanje odredbi o dostavi sudskih pismena, kako bi se onemogućile zloupotrebe ovih odredbi i izbjegavanje prijema sudskih pismena od strane stranaka.
- Neophodna je izmjena člana 37 Zakona o izvršnom postupku FBiH kako bi se stvorili uslovi za brže postupanje suda.
- Uspostava adekvatnog sistema dostavnih službi, jer se u praksi često dešava da poštanski dostavljači ne postupaju pravilno po odredbama ZPP-a o dostavi.

Gračanica, dana 09.07.2026.godine
Broj: 027-0-Su-26-000 497



PREDSJEDNIK SUDA
Husejin Šerbečić